

重脩浙江通志稿

第六冊
地理

重刊經史通志

重脩浙江通志稿

第六冊地理

七 会稽山脈

会稽山 在紹興縣東南十二里古名苗山或作茅山亦曰塗山夏禹東巡守至此大会诸侯而计功命曰会稽说者曰会稽者會計也水经注会稽山亦名防山亦名鎮山又曰棟山越絕書棟猶鎮也輿地志会稽山一名衡山有石狀如覆鬴亦名覆鬴山道書谓山有陽明洞以為第十一洞天禹陵在焉其東曰宛委山縣志上有石匱壁立干雲升者索梯而上十道志石匱山一名玉笥有懸岩之險亦名天柱禹得金簡玉書於此南曰香爐峯曰赤堇山名勝志舊傳歐冶子為越王句踐鑄劍之所一名鑄浦山曰望秦山方輿紀要一名天柱峯又名卓筆峯秦始皇登此以望秦中曰西湖山曰若耶山雲門志略下有采蓮田舊經云葛玄學道於此迤西南曰秦望山高出羣山之表会稽志秦始皇登此以望東海故名曰雲門山雲門志畧晉義熙二年中書令王獻之居此有五色雲見詔建雲門寺其西曰陶家嶺曰刻石山嘉泰会稽志一名鵝鼻山水經注秦始皇登稽山刻石紀功尚存山側即世所谓会稽石刻也西漢叢話越王棲於会稽其宮城避於此故名城避訛為鵝鼻以上諸山縣亘南北凡三十餘里皆為会稽之範圍茲述其幹支之分佈自刻石山始

会稽山脈自刻石山分支二

一支北出曰法華山曰朱華峯縣志高三千七百又十公尺再北曰筆架山縣志以形似名曰鸚哥山盡於平原

一支西至紹興諸暨界上曰作丹岡迤西北曰古博嶺東北距紹興縣治三十里舊通志作四十五里羣峯交峙中有一徑南達楓橋至諸暨界曠寂稀人烟往往虎豹棲止俗訛傳為虎搏嶺楓橋港之支流小鮑溪出焉再西北曰大別山

分支西南入諸暨走於橋港支流之間曰古塘山曰大馬山曰石干山盡於平原

自大別山再西北曰雙尖峯又歧為二

一東北入紹興曰華岩尖曰蘭亭山方輿紀要即王羲之修禊處宋祥興元年會稽義士唐鈺等以石函葬宗六陵之骨於此又東北曰大濤山曰眠牛山盡於平原

一支西入諸暨曰馬面山馬面水出焉清洪楊亂時邑人包立身屯兵於此即所謂包村是也盡於湖田之平原

自雙尖峯再西北曰大塢山分三支

一西入諸暨走於白塔湖田之北曰楊梅尖山曰鷹山曰玉屏峯曰湖西

嶺盡於浦陽江西岸之平原。

一東北入紹興曰雞頭山更東北走於青電湖上流與乾溪之間曰官山曰前高峯曰師古嶺盡於鑑湖南岸之平原。

一北行走於乾溪與西溪之間曰五子尖曰長旂岡曰石城嶺嘉泰會稽志在縣東北三十里吳越備史乾寧三年錢鏐討董昌攻石城去越三十里即此曰石板嶺伏而復起曰美女山曰臨江山東南距縣治三十五里山陰縣志作六十五里本名牛頭山唐天寶間改名盡於西小江之曲。

自大塢山再北曰銅井大山迤西北曰巧溪嶺天樂溪出焉又歧為三。

一西南走仍在諸暨紹興縣界上曰大山尖入諸暨曰岳駐嶺縣志相傳宋陳協隱居白鶴山與岳忠武締婚媾忠武訪之駐軍於此故名其南有牛皋嶺謂牛將軍隨忠武東來屯兵嶺上故名今名有覺嶺盡於浦陽江之平原。

一東北入紹興走於天樂溪與浦陽江之間曰大岩山東距縣治四十里府志作西南一百五十里山形如冕旒又名冕旒山宋時宮闕在錢唐者與山相對曰狗脊山伏而復起曰太平山盡於平原。

一北入紹興走於西溪與巧溪之間曰看怕嶺東距縣治三十五里嘉靖

山陰縣志作八十里其嶺險峻行者皆懼故名更北曰橫山弘治府志滙
小江勢小而環抱若壘故名西走曰青化山曰芎藭山山為西子故里或
謂在諸暨或謂在蕭山兩縣人爭之甚力紹興府志調停其說謂芎藭有
二一在蕭山一在諸暨然爭之者非爭山爭西子也山縱有二而西子則
一所居亦祇一決無忽蕭山忽諸暨之事故其爭仍不能決或謂芎藭山
祇此一處本在蕭紹暨三縣之間隋唐永興唐復之畫界之際此山入於
山陰則根本解決之說矣盡於西小江之曲即麻溪壩也自橫山更北
走曰越王崢東南距縣治四十五里府志作西南九十里越王句踐於此
棲兵又名棲山西北曰曹塢嶺曰金鷄山盡於西小江之曲

會稽山脈正幹自刻石山而西南至紹興諸暨界上曰龍潭岡山

分支西入諸暨走於楓橋港支流之間曰靈岩峯諸暨志作靈峯山上有靈
峯寺周顯德時建曰紗帽尖山伏而復起曰菩提山縣志山峯名柯公尖晉
開運元年建菩提院因名盡於平原

會稽山脈正幹自龍潭而西南仍在兩縣界上曰駐日嶺

分支東入紹興走於饅頭石溪與若耶溪之間曰南屏嶺曰西化山若耶溪
之水出焉萬歷縣志一名筆峯曰龍挂山曰樸樹山又歧為二

其一北走曰陶晏山北西距縣治二十五里縣志作四十五里舊經云陶弘景隱於此故名東北曰日鑄嶺嘉泰會稽志昔歐冶子鑄五劍采精銅之金於山下故名歸田錄草茶盛於兩浙兩浙之品日鑄第二
分支北走於若耶溪與宋六陵御河之間曰白鹿峯曰百仙岡曰大山岡盡於運河以南之平原

自日鑄嶺再東曰五峯嶺宋六陵御河之水出焉曰各竺插山

分支北走於宋六陵御河與石屑溪之間曰犬亭山嘉泰會稽志在縣東南二十里舊經越絕書並云勾踐蓄犬獵南山白鹿即此會稽縣志歲久相延呼為狗山又曰吼山俗謂宋橫宮所在眾山皆拱此山獨居故名之曰吼取相呼而相向之義也曰寶山西北距縣治二十里弘治府志作二十五里一名上皋山山崦有趙家裏即南宋橫宮六陵遺跡在焉犬亭山東北曰富盛山曰銀山西距縣治三十里曰金山盡於運河南岸之平原自各竺插山而東曰諸葛尖萬歷縣志葛洪嘗棲於此亦名葛岵曰佛腦山至紹興上虞界上曰大塙山入上虞伏而復起曰覆船山縣志以形似名盡於曹娥江西岸

其一東南走曰天燈蓋山迤東走於紹興嵊縣界上曰太平嶺寒溪出焉

西北距紹興縣治四十里。嘉泰志作七十八里。晉謝敷隱居此山十餘年。後以母老還。若耶。再東復入紹興縣。走於寒溪與小舜江之間。曰綠泉岡。山曰大獅子山。曰大岡山。盡於會口。

會稽山脈正幹自駐日嶺仍走於紹興諸暨之界。曰長琅山。曰桃嶺。饅頭石溪之水出焉。曰界岡山。

分支東入紹興。曰狀元尖。曰太公山。又東北走於饅頭石溪與其支流之間。曰大西嶺。曰雌虎山。盡於平原。

會稽山脈正幹自界岡山再南至紹興嵊縣諸暨界上。曰陸家尖。紹興縣志作土蘭岡。高八百二十四公尺。

分支東走於紹興嵊縣界上。曰唐安山。曰筆架山。又東走於打石溪與饅頭石溪支流之間。曰王城市山。曰烏嘴山。盡於會口。

會稽山脈正幹自陸家尖再南走於嵊縣諸暨界上。曰上谷嶺。苦竹溪之水出其東。楓橋港之水出其西。分為二支。

一支西入諸暨。曰天龍山。又歧為二。

其一北走於楓橋港與其支流之間。曰西灣山。曰箱子石山。伏而復起。曰角虎山。盡於會口。

其一西走曰飛鳳山，迤北走於蒲溪嶺與楓橋港之間，曰燕窩山，曰大馬嶺，曰白村塘山，曰黃泥山，迤東曰化龍山，曰保仙山，盡於平原。

一支東入嵯縣，走於双溪與苦竹溪之間，曰扶梯嶺，曰夾古山，曰懸半天尖，曰水夾岡，盡於會口。

会稽山脈正幹，自上谷嶺再南曰陽坑嶺。

分支西入诸暨，曰蒲溪嶺，蒲溪嶺之水出焉，分支北上，走於蒲溪嶺水與其支流之間，曰馮家塢山，曰支山，盡於平原。自蒲溪嶺而西，曰杜阮嶺，曰虎嘯山，又歧為四。

其一北走曰坑月山，更北走於蒲溪嶺水與下東江支流之間，曰天馬山。縣志有大天馬、小天馬二山，山產白葛花，其中隴曰大飛龍山，曰飛鳳山。〔与前飛鳳山異地同名〕曰茅草山，曰橫山，曰紗帽山，其西曰鳳山，曰馬面山，其北曰沿梯山。縣志一名阮家山，曰泰山，曰魏家塢山，北盡於西泌湖田，自魏家塢山而西，曰大坟山，伏而復起，曰石壁山，盡於下東江東岸，自大坟山而北，曰饅頭山，曰河盤嶺，盡於楓橋港與下東江會口之平原，嶺之東即西泌湖田也。

其一西北走曰張塢山，走於裏浦江與下東江之間，曰伏虎山，曰大蕩山。

迤北曰鳳皇山，又北伏而復起，曰烟霞山，盡於平原。

其一西走於橫山港與裏浦港之間，曰跨馬嶺山，曰杜家山，曰蘆花坪山，迤北伏而復起，曰天車山，在縣治東南七里，盡於平原。

其一南走於裏浦港支流之間，曰門前山，曰水隴岡，曰吳高塢山，盡於裏浦港之曲。

二支
會嵇山脈正幹，自陽坑嶺而南，曰趙角嶺，曰硤山石，仍在嵊縣諸暨界上，分為

一支西入諸暨，曰青龍山，走於裏浦港支流之間，曰五指山，縣志以形似名，一名三台山，五老峯，曰湯公坪，盡於裏浦港西岸。

一支東入嵊縣，走於苦竹溪與羅松溪之間，曰紫岩山，東南距縣治四十五里，縣志作七十里，曰黉院山，縣志其南為百丈岩，有飛瀑瀉落，為百丈潭，岩壑常產銀蘭，殊幽勝，迤東南曰大牛夫，又歧為二。

其一南走於富潤溪與羅松溪之間，曰太史夫，曰天荒山，盡於平原。

其一迤東曰十畝嶺，富潤溪之水出焉，分支東南走於江田溪，支流與富潤溪之間，曰清演岡，盡於平原。自十畝嶺再東北，曰天鵝哺子夫，又分為三。

南下者曰牛頭岡，再南走於江田溪與其支流之間，曰廟迴山，盡於會口之平原。

北上者曰穀米山，馬溪之水出焉，東南距縣治三十五里，縣志作七十里。十道志曰：舜耕於此，天降嘉穀，故名。再北走於馬溪與西溪之間，曰架筆尖，曰大梁山，盡於打石溪之南岸。

東北走者曰鵬騰山，曰橋頂山，分支北走曰上頂岡，走於馬溪支流之間，曰年治屏，曰風牆屏，盡於會口。自橋頂山而東曰大風門山，分支而北，曰鵝突峯，走於雙江溪支流之間，曰姜山，曰鐘紐岡，至嵯縣結興界上，盡於會口。自大風山再東曰羊尖山，又分為三。

一西南走於江田溪與後潘溪之間，曰飛緯嶺，曰應家山，曰裘岩，更南迤曰鳳皇山，曰亭山，東距縣治十八里，縣志作二十五里。三峯聳立，上有曜文亭，故名，盡於溪間之平原。

一南走曰石門嶺，後潘溪之水出焉，縣志一名天竺山，中峯為石門最高頂，南為九華峯，北為石門峽，山有石門蘿薜引罩，中有石床石枕，旁有龍湫，下有沸水在溪穴間，周二三尺，如湯沸，四時不休，按如所言，則浙省湯泉僅此一處也，又歧為二。

其一南走曰天竺寺山即石門嶺之一部分支東走於強口溪與了溪之間曰大斗山曰餘糧山縣志相傳禹治水畢功於此餘糧棄棄化為石磊磊如拳碎之內有赤粦名禹餘糧上有禹祠下有了溪言禹之功了於此也曰獅岩嶺盡於二溪與王澤溪之會口自天竺寺山南走於了溪與後潘溪之間曰後朝岡曰太陽山曰鵝交嶺縣志作峨嵋山在縣西十里其西曰福泉山縣志狀如展屏峭壁凝丹女蘿蕩碧山半有泉甘冽曰福泉因名西與亭山隔後潘溪而相望鵝交嶺之東當縣治之北曰剡山會稽志白樂天沃洲記云東南山水越為首剡為面山巔屹起小峯號曰白塔相傳秦始皇東遊使人劖此山以洩氣號剡坑山剡縣之名取此入縣治曰鹿胎山縣志昔獵士陳惠度射鹿於此鹿孕而傷既產以舌舐其子子乾而母死惠度因棄弓矢投寺為僧山因以名鹿死處生草名鹿胎草明統志剡山一名鹿胎山蓋併而言之

其一東走於強口溪與迴溪之間曰嶧山隔剡溪與畫圖山相望南距縣二十里縣志作四十里高可干霄下臨剡溪相傳吳越王錢鏐舟至山下歎賞其異駐舟賦詩再東北曰外大山曰舜皇山縣志即

嶧山東出之一隴山，轟嶺複與嶧山頽頽，上有舜廟舜井，盡於兩溪與剡溪會口。

一北走曰倉塢夫，曰霞塢夫，又歧為四。

其一西北走於双溪港，與其支流之間，曰西峯山，曰道士屏，至嵒縣紹興界上，曰湖池山，入紹興曰無頂山，盡於双港溪之曲。

其一東北走，曰衡堂山，曰王筵嶺，入紹興曰六穀岡，西北距縣治四十五里。明統志作穀米山，在縣東南七十里，舜嘗耕此，天降嘉禾，故名。再東北曰大螺山，曰歷山。按上虞縣志，西南四十里有歷山，舜所耕處也。以圖考之，當在此處，溪入上虞，至紹興上虞界上，曰鳳皇山，東北距上虞縣治三十五里。上虞縣志作六十里，山有鳳穴，晉元帝時鑿山，有鳳皇飛去，故又名飛鳳山。山下有鳳凰湖，入上虞曰楊梅峯。縣志上多楊梅，故名。盡於曹娥江西岸。

其一東北走於范洋溪與剡溪支流之間，曰蓮花山，曰打鐵嶺，至嵒縣紹興界上，曰美姜山，入紹興曰西蘇山，盡于會口。

其一東走于迴溪與剡溪支流之間，曰方山嶺，曰長庚山，曰曹岱山，曰清風嶺。縣志舊名青楓嶺，懸岩削壁，下瞰剡溪，宋臨海王烈婦為

元兵所掠至嶺上，齧指血題詩岩石，投崖而死，血漬入石，天陰雨，墳起如新。後人作亭其上，易名清風，以表之。亭前履跡宛然，入石，北至嵯縣結界上，曰牛山。又北入紹興，曰西扇山。至紹興上虞界上，曰俞公山。東入上虞，伏而復起，曰鳳皇山。縣志與前同名異地，下有曹娥廟，盡於曹娥江之平原。

会嵎山脈正幹自硤石山再南，仍在嵯縣諸暨界上，曰湖塘山，高八千七百三十一公尺，曰高塘灣山。

分支東入嵯縣，走於羅松溪與戴溪之間，曰天燈，蓋山，曰吼天龍山，盡於会口。

会嵎山脈正幹自高塘灣山而南，曰戴溪嶺，仍在兩縣界上，東距嵯縣治，西北距諸暨縣治，均約五十里。諸暨縣志以戴遠隱居於此，故名，曰子昌後山。

分支東南入嵯縣，走於羅松溪與剡溪之間，曰火星岡，曰石龍山，曰九里岡，伏而復起，曰白竹山，盡於兩溪間之平原。

会嵎山脈正幹自子昌後山再南，曰姆嶺，仍在兩縣界上。

分支西北入諸暨，走於裏浦港兩支流之間，曰五峯山，曰張家塢山，曰筆架山，盡於会口。

會嵇山脈正幹自嵒嶺再南曰大花夫山仍在兩縣界上分為二支

一支西北入諸暨走於裏浦港與其支流之間曰文高塢山曰石子山曰老坑山盡於會口

一支東走曰分水岡東南入嵒縣曰小白山崑溪之水出焉其東曰南大白山東距縣治四十五里縣志作七十里山巔二小石穴泉涌流至山半有石甕二曰仙甕石亦稱丹竈相傳葛仙遺跡南曰萬松嶺山曰冷灣山盡於崑溪與珠溪會口

會嵇山脈正幹自大花夫山再南曰杜家山仍在嵒縣諸暨界上再南走於嵒縣諸暨東陽界上曰大嶺分為二支

一支東南入嵒縣走於崑溪與淙溪之間曰三大坪曰西山嶺曰木魚岡盡於會口

一支西走於諸暨東陽之界曰東白山太白溪之水出焉西南距東陽縣治七十里縣志作一百里西北距諸暨縣治六十里縣志作東九十里名勝志云一名太白山一名太平山又名岑山會嵇志云一名太白峯跨連三邑其在剡者曰西白在東陽者曰北白按剡為嵒縣之舊名在東陽之東不得曰西東陽在諸暨之南不得曰北此當有誤萬曆府志絕高者為太白次為小

白刺錄云峻極崔巍吐雲納景趙廣信升仙處也有廣信丹井水冽於冰又有仙女盆亢旱不竭相傳七夕沐浴於此又歧為二

其一北入諸暨曰大文山更北走於橫山港與裏浦港之間曰烏鴉山曰王基山曰大升山曰藕節山曰大印山曰補壁燈山盡於二溪會口其一東走於諸暨東陽界上曰深宮園山其東即西白山西南入東陽曰東仙姑岩西白溪之水出焉迤南曰中十二峯橫山港之水出焉西南曰青洲山曰掌印岩縣志在縣東北三十五里相傳有神巫鞭石為馬山神以大岩石拒之巫抵以左手石屹如碑立掌痕陷入數寸五指分明俗稱曰鐵石岩又稱神巫岩再分為三

一南走於太白溪與石馬坑溪之間曰飛燕山曰虎峯曰烏竺嶺盡於太白溪北之平原

一西南走于石馬坑溪與白水坑溪之間曰大笕竹山曰梧桐山曰鬥鷄岩銅坑溪之水出焉縣志二石對立如鬥鷄故名南東走於石馬坑溪與銅坑溪之間曰被瀨石縣志層岩壁立上有穴容數十人噴雲泄霧將雨多驗俯泉灌濯被除不祥因以名岩南西走於銅坑溪與白水坑溪之間曰楓山均盡於會口之平原